



Dyraheio landskapsvernområde er utvida

Faktaark:



Villrein beiter i Sandvassbrekka

Foto: Reidar Sandal

Kongen har i statsråd 25. juni 2010 vedteke å utvide Dyraheio landskapsvernområde med biotopvern i Suldal kommune i Rogaland fylke. Det er også gjort fire, mindre endringar i verneforskrifta.

Dyraheio landskapsvernområde med plantelivsfreding, blei oppretta ved kgl.res. 26.9.1997. Utvidinga av området er vedteken etter naturmangfaldlova, og verneformen har vorte endra til landskapsvernområde med biotopvern. Det er eit rikt planteliv i området, med m. a. bergjuncker som gjer at området også vert omfatta av biotopvern. Etter utvidinga omfattar ver-

neområdet eit areal på omlag 304 km². Utvidinga utgjer eit areal på 3,7 km² søraust for Sandvatnet i Suldal kommune.

Arealet som no er inkludert i verneområdet var på grunn av større terrenginngrep, som anleggsveg og regulert vatn (Sandvatnet), ikkje med i det opphavlege vernevedtaket i 1997. I ettertid synte det seg likevel at dette del-

området inneheld store naturverdiar tilsvarande dei ein fann i dei tilgrensande verneområda. I første rekke er desse verdiane knytt til viktige trekk- og beiteareal for villrein. I tillegg er det eit område med godt lokalklima for rik fjellvegetasjon, samt fleire kulturminne. Delområdet inneheld ikkje andre inngrep enn anleggsvegen til Holmevatn, bygd i 1967 og

Direktoratet for naturforvaltning (DN) er det sentrale, utøvende og rådgivende forvaltningsorganet innenfor bevaring av biologisk mangfold, friluftsliv og bruk av naturressurser. DN's visjon, For liv i naturen og natur i livet, er et uttrykk for dette. DN er administrativt underlagt Miljøverndepartementet. Myndigheten til å forvalte naturressurser er gitt gjennom ulike lover og forskrifter. Ut over lovbestemte oppgaver har direktoratet også ansvar for å identifisere, forebygge og løse miljøproblemer ved samarbeid, rådgivning og informasjon overfor andre myndigheter og grupper i befolkningen.

reguleringssona i Sandvatnet.

Føremålet med vernet er å ta vare på eit særmerkt fjellområde med urørt natur, rikt planteliv med m.a. bergjuncker, verdifullt beitelandskap, eldre og nyare kulturminne etter støling, heiebeiting, jakt, fiske og fangst. Føremålet er og å ta vare på viktige leveområde for viltet, spesielt å sikre eit samanhengande fjellområde og delar av livsgrunnlaget for den sørlegaste villreinstamma i Europa.

I første rekke er verdiane knytta til viktige trekk- og beiteareal for villrein. Området ved Sandvassbrekka er av dei viktigaste trekk- og beiteområda for villrein i grenseområda mellom Suldal og Bykle kommunar. Den frodige vegetasjonen langs Sandvatnet og i brekka opp mot Storhidlerfjellet og Meien er viktige vår- og haustbeite.

Fyllittberggrunnen og eit godt lokalklima gir rik fjell-

vegetasjon i Sandvassbrekka. Fleire stader er det kulturminne, mellom anna fleire stakktufter, drifteleger og restar etter ein gamal ferdselsveg mellom Setesdal og Ryfylke.

Utvidinga vil sikre at ein knyt saman Dyraheio landskapsvernområde med Holmavassåno biotopvernområde i eit større samanhengande verneområde.